

Vrebač odavno ne pamti ovakvu sušu kao ove godine. Prema sjećanjima starijih sumještana katastrofalna suša zabilježena je posljednji put 1950-te godine, kada se za snabdjevanje pitkom vodom išlo preko vrebačkog polja do Ribnika. Tada je selo bilo i puno stoke, što je bio dodatni otežavajući problem.

Posljednji veliki aktivni vrebački izvor - **Čatrnja** - temeljno mjesto snabdjevanja pitkom vodom u Vrepcu tokom cijele godine, postao je neupotrebljiv prije cca mjesec dana. O ostalim trajnijim izvorima, kao npr. **Kapetanovcu i Djakovcu.....**, ili ostalim izvorima na Jadovi od

Crnog vrela

pa nizvodno od Vrepca prema Rašnovcima da ne govorimo; svi oni presuše mnogo ranije, već tokom ljeta. Upitna je i

Rakića pećina

koja se već godinama ne koristi i u koju se do vode treba spuštati preko nekoliko desetaka stepenica problematične sigurnosti.

Da bi izvori ponovno potekli, treba čekati kiše i izlazak **Graovčeve pećine** i Jadove. U slučaju povoljne hidrološke situacije to će biti u mjesecu Novembru. A do tada, i do završetka izgradnje i aktiviranja vodovoda, srećom je tu - javna česma! Nadajmo se da, u međuvremenu, niske temperature neće onemogućiti njeno korištenje.